

**UDHËZIM**  
**Nr.37, datë 1.9.2009**

**PËR DISA SHTESA DHE NDRYSHIME NË UDHËZIMIN NR.24, DATË 2.9.2008 “PËR  
PROCEDURAT TATIMORE NË REPUBLIKËN E SHQIPËRISË”**

Në zbatim të nenit 102 pika 4 të Kushtetutës, si dhe nenit 10 pika 1 të ligjit nr.9920, datë 19.5.2008 “Për procedurat tatimore në Republikën e Shqipërisë”, Ministri i Financave

**UDHËZON:**

Në udhëzimin nr.24, datë 2.9.2008 “Për procedurat tatimore në Republikën e Shqipërisë” bëhen këto shtesa dhe ndryshime:

Në pikën 44.1.1 “Kalimi në regjistrin pasiv”, germa “c” me përmbajtje:

“Të verifikojë të dhënat që disponohen nga palët e treta, përfshirë drejtoritë rajonale të thesarit, nëse personi i tatueshëm ka kryer veprime gjatë 12 muajve të vitit kalendarik”, shfuqizohet.

Pika 50.5 riformulohet si më poshtë:

“Në rastet kur transporti kryhet me mjete të shitësit ose të blerësit, ky fakt shënohet në pjesën e faturës ku kërkohen të dhënat e transportuesit, si dhe jepen të dhënat identifikuese të mjetit të transportit, destinacionit dhe të shoferit. Këto të dhëna duhet të specifikohen edhe sipas çdo destinacioni të kryer nga mjeti, nëse e njëjta sasi malli e faturuar dhe e transportuar me mjetet e blerësit apo të shitësit, mund të kryhet prej tyre me më shumë se një mjet.”.

Pas pikës 121.2 shtohet pika 121.3 me këtë përmbajtje:

“Në rastet kur tatimpaguesi nuk pranon pagesën e menjëhershme të gjobës të barabartë me vlerën e tregut të mallit të konfiskuar, mallrat e konfiskuara kalojnë për administrim në Rezervat e Shtetit.”.

Ky udhëzim hyn në fuqi menjëherë dhe botohet në Fletoren Zyrtare.

MINISTRI I FINANCAVE  
**Ridvan Bode**